



Broj: 02-04-1755/22-AP-4  
Datum: 21.06.2022. godine

GRADSKO VIJEĆE ZAVIDOVIĆI  
n/r PREDSJEDAVAJUĆOJ GRADSKOG VIJEĆA  
mr. iur. Erna Merdić Smailhodžić

PREDMET: Odgovori na vijećnička pitanja sa 2. sjednice Gradskog vijeća Zavidovići održane 31.05.2022. godine, dostavljaju se

Povodom vijećničkih pitanja postavljenih na 2. sjednici Gradskog vijeća Zavidovići održanoj 31.05.2022. godine, dostavljamo odgovore na iste kako slijedi:

#### 1. VIJEĆNIČKA PITANJA VIJEĆNIKA RASIMA MUJKIĆ

1. Vijećnik Rasim Mujkić: Ovako, selamim i pozdravljam sve prisutne, medije goste i ostale. Ovako prvo pitanje hoću da postavim sebi, pa i ostalima. Inače, ovaj put ulaz do Krčavina. Prošle godine smo o tome pričali. Ovaj gornji dio odrađen prije dvanaest godina i otada je sve stalo. Znači, stalo se sa papirologijom. Potrebno je to te stvari građevinska dozvola i sve ostalo i onda se to odužilo dvanaest godina, pa ja vidim da će to i dalje trajati, pa sam htjeo da predložim jednu stvar, da se iz budžeta Općine Zavidovići izdvoji nekih 300.000 maraka i da se taj put sredi u ovim sadašnjim gabaritima, kao što je jedan dio kod džamije riješen. Da se tako sredi kompletan put. Imamo mi još dobrih ljudi koji će dati malo da se to proširi sad za sad, za poslije nekih deset dvaest godina ćemo možda ganjati te papire, jer ako mi budemo taoci tih papira još dvadeset godina to će onda biti potok tuda.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-136/22 od 17.06.2022. godine): Da bi se izvodili radovi na rekonstrukciji dijela lokalne ceste na potezu ulaz - Krčevine, potrebna je građevinska dozvola. Grad Zavidovići je pokrenuo postupak pribavljanja odobrenja za građenje prije nekoliko godina. Jedan od postupaka za dobijanje građevinske dozvole je rješavanje imovinskopravnih odnosa. S obzirom da se radovima na rekonstrukciji pomenute dionice saobraćajnica proširuje, neophodno je izvršiti rušenje pojedinih objekata (pomoćni objekti, ograde, potporni zidovi i sl.), kao i zauzimanje zemljišnog pojasa, za što su neophodna znatna finansijska sredstva u postupku eksproprijacije.

Kako Grad Zavidovići ne raspolaže dovoljnim finansijskim sredstvima za eksproprijaciju objekata, obustavljen je postupak rješavanja imovinskopravnih odnosa, samim time i pribavljanja odobrenja za građenje.

Ipak, Grad Zavidovići planira izvršiti sanaciju pomenute dionice lokalne ceste u granicama postojećeg putnog pojasa.

Naime, Grad Zavidovići je aplicirao ovaj projekat prema Vladi Federacije BiH, a također će izvršiti dio radova na sanaciji iz Budžeta Grada Zavidovići za ovu godinu.

2. Vijećnik Rasim Mujkić: I druga stvar, put kamene kugle. Tu su ljudi sabrali 20.000 maraka, da se on asfaltira pošto dolazi ta turistička sezona, tuda treba da idu autobusi. Međutim, što se tiče vodovoda za Hajderoviće projektant je od tako napravio plan i program, projekat da po sredini puta ide taj vodovod. Eh, pošto je taj tender bio za izgradnju tog dijela puta vodovoda, tender je stao, tako da su ljudi blokirani, blokirani su ljudi da rade taj dalje put dolazi ta turistička sezona. Hoću da vidim dokle se stalo s tim tenderom? Moćel se kako to ubrzat da se to što prije rješava. Taj dio puta kako bi se mogo asfaltirat tim sredstvima. Hvala.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-136/22 od 17.06.2022. godine): Vezano za put prema kamenim kuglama, obavještavamo vas da je postupak pribavljanja građevinske dozvole još uvijek u toku, zbog postupka rješavanja imovinskopravnih odnosa (veliki broj parcela), te zbog toga se ne mogu izvesti radovi.

## 2. VIJEĆNIČKA PITANJA VIJEĆNIKA HAKIJE OSMIĆ

1. Vijećnik Hakija Osmić: Shodno odredbama Poslovnika o radu gradskog vijeća postavljam Gradonačelniku i nadležnim službama sljedeće:

### VIJEĆNIČKO PITANJE

Zbog ugrožene bezbjednosti korisnika nekategorisanog puta u MZ Brezik, koji vodi lijevo od mosta na rijeci Krivaji prema naseljenim mjestima Lug, memići i Lučica, tražim od Gradonačelnika i nadležnih službi da na pomenutom putnom pravcu se izvrši sanacija na nekoliko propusta, počev od propusta na tzv „Dubokom potoku“ koji je posebno ugrožen u vrijeme kišnih padavina kada dolazi do plavljenja istog. Isto tako, potrebno je izvršiti i sanaciju nekoliko propusta na dijelu puta prema naseljenom mjestu Lučica, gdje je, prije nekoliko godina, došlo do urušavanja cijevi i gdje je dio puta preko pomenutih propusta veoma opasan za saobraćaj.

Takođe, potrebno je u skladu sa finansijskim mogućnostima gradskog budžeta i eventualno iz drugih izvora, pokušati riješiti klizište na istom putnom pravcu, odnosno lijevo od mosta na rijeci Krivaji.

Tražim da se što prije izvrši sanacija pomenutog dijela puta i propusta na istom, kako bezbjednost korisnika koji komuniciraju ovim putnim pravcem ne bi bila ugrožena.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-136/22 od 17.06.2022. godine): S obzirom da je Planom javnih nabavki za ovu godinu predviđen iznos od 20.000,00 KM za investiciono održavanje i sanaciju nerazvrstanih cesta, Grad Zavidovići djeluje i djelovat će u zavisnosti od prioriteta i raspoloživih sredstava, te se nadamo da ćemo u toku ove godine barem djelimično izvršiti sanaciju nekih od propusta.

Za dio pitanja koje se odnosi na sanaciju klizišta, informišemo vas da se radi o ozbiljnijem klizištu za koje je neophodno pribaviti projektno-tehničku dokumentaciju i odobrenje za građenje, a za šta trenutno nemamo obezbijedena finansijska sredstva.

2. Vijećnik Hakija Osmić: Shodno odredbama Poslovnika o radu gradskog vijeća postavljam Gradonačelniku i nadležnim službama sljedeće:

### VIJEĆNIČKO PITANJE

Zašto do sada nije izvršeno zatvaranje, odnosno ucjevljenje otvorenog dijela kanalizacione mreže u naseljenom mjestu Majdan u blizini stambenog objekta Mujanović Muamera u dužini cca 30 metara.

U navedenom dijelu naselja dolazi do izlivanja fekalnih i drugih otpadnih voda, čime se ugrožava zdravlje stanovništva, a posebno djece.

Tražim da se navedeni dio kanalizacione mreže što prije završi.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-136/22 od 17.06.2022. godine): Posljednjih par godina Grad Zavidovići vrši sukcesivno rješavanje odvodnje fekalnih i oborinskih voda, putem isporuke betonskih cijevi mještanima, a u skladu sa spremnosti mješšana za učešćem u izgradnji i utvrđenim prioritetom. S tim u vezi nadležna služba će izvršiti obilazak pomenute lokacije i djelovati u skladu sa utvrđenim stanjem na terenu.

### 3. VIJEĆNIČKO PITANJE VIJEĆNIKA HAKIJE BOŠNJAKOVIĆ

Vijećnik Hakija Bošnjaković: P R E D M E T: Vijećničko pitanje.

Nedavno je završena još jedna faza uređenja obale rijeke Bosne u našem Gradu, a prema informacijama koje imamo, u skoroj budućnosti imat ćemo uređenu kompletnu dionicu obale između tri gradska mosta na ovoj rijeci.

To je lijepo i sve nas to raduje, ali vjerujem da je mnogima promakla činjenica da nedostaje jedan detalj, koji bi trebao omogućiti dijelu građana prilaz novoizgrađenoj šetnici.

Ne znam je li u projektnoj dokumentaciji izostavljen dio koji se odnosi na prilaze osoba s kolicima ili se navedeno planira raditi u nekoj od narednih faza uređenja dijela šetnice duž obale rijeke Bosne?

U svakom slučaju, bit će neophodno s obje strane rijeke, izvesti barem po jedan adekvatan prilaz za osobe s kolicima - invalidne osobe i roditelje s bebama, kako bi u ambijentu ovako lijepo uređenih riječnih obala, mogli uživati svi naši građani.

Zanima me, da li se to planira uraditi i kada?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-136/22 od 17.06.2022. godine): Agencija za vodno područje rijeke Save je uradila projektno-tehničku dokumentaciju za uređenje obala rijeke Bosne na potezu između dva cestovna mosta. Također, sve radove na uređenju rijeke Bosne su finansirane od strane Agencije.

Projektno-tehničkom dokumentacijom nije predviđen prilaz za osobe sa invaliditetom sa kolicima i roditelje s bebama u kolicima.

Imajući u vidu da je neophodno uraditi zaštitnu ogradu za pješake Grad Zavidovići planira istu izvesti, iako ona nije predviđena projektno-tehničkom dokumentacijom.

Nakon stvaranja uslova za bezbjedni saobraćaj pješaka, Grad Zavidovići će razmotriti mogućnost postavljanja prilaza za osobe sa invaliditetom sa kolicima i roditelje s bebama u kolicima, pri čemu će uzeti u obzir lokacijske uslove i maksimalni nagib prilazne rampe (15 %), a da se ne naruši stabilnost kosine zasječne strane.

#### 4. VIJEĆNIČKO PITANJE VIJEĆNIKA AMERA AVDIČEVIĆ

Vijećnik Amer Avdičević: Zahvaljujem zamjeniče predsjedavajuće. Pozdravljam Radno predsjedništvo, uvaženog gradonačelnika, kolege i kolegice, građanstvo, predstavnike Policijske uprave Zavidovići, predstavnike OSC-a i sve goste.

S obzirom da je kolega Rasim Mujkić već evo u vidu čini mi se inicijative predložio, ja sam imo pitanje, dosta su povezani, pa eto da dobijem neke informacije povodom mog pitanja.

Na osnovu člana 87. Poslovnika o radu Općinskog vijeća Zavidovići upućujem vijećničko pitanje nadležnoj općinskoj službi. Da li se planiraju nastaviti aktivnosti na sanaciji puta koji prolazi kroz Mećevice i Krčevine? Ranije je ovaj projekat dostigao zavidan rezultat, konkretnije kroz Hajderoviće, međutim tu su radovi zaustavljeni i već duži vremenski period nemamo nikakve aktivnosti na navedenom.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-136/22 od 17.06.2022. godine): Da bi se izvodili radovi na rekonstrukciji dijela lokalne ceste na potezu ulaz - Krčevine, potrebna je građevinska dozvola. Grad Zavidovići je pokrenuo postupak pribavljanja odobrenja za građenje prije nekoliko godina. Jedan od postupaka za dobijanje građevinske dozvole je rješavanje imovinskopravnih odnosa. S obzirom da se radovima na rekonstrukciji pomenute dionice saobraćajnica proširuje, neophodno je izvršiti rušenje pojedinih objekata (pomoćni objekti, ograde, potporni zidovi i sl.), kao i zauzimanje zemljišnog pojasa, za što su neophodna znatna finansijska sredstva u postupku eksproprijacije. Kako Grad Zavidovići ne raspolaže dovoljnim finansijskim sredstvima za eksproprijaciju objekata, obustavljen je postupak rješavanja imovinskopravnih odnosa, samim time i pribavljanja odobrenja za građenje.

Ipak, Grad Zavidovići planira izvršiti sanaciju pomenute dionice lokalne ceste u granicama postojećeg putnog pojasa.

Naime, Grad Zavidovići je aplicirao ovaj projekat prema Vladi Federacije BiH, a takođe će izvršiti dio radova na sanaciji iz Budžeta Grada Zavidovići za ovu godinu.

#### 5. VIJEĆNIČKO PITANJE VIJEĆNIKA ZAHIDA AVDIČEVIĆ

Vijećnik Zahid Avdičević: Poštovani vijećnici, predstavnici Policijske uprave Zavidovići, predstavnici OSC-a, predsjedniče Komisije za pitanja boraca, građani općine Zavidovići, sve vas srdačno pozdravljam. Moje vijećničko pitanje biće upućeno nadležnoj službi biće veoma kratko. Prije par sjednica imali smo inicijativu za sanaciju, adaptaciju, ispravljanje, izbjeljivanje šehidskih nišana, pa me interesuje informacija dokle je stigla ta inicijativa koja je trebala da bude prosljeđena Kantonalnom ministarstvu za boračka pitanja, to jest da mi se u pisanoj formi dostavi i podnesak kojim je upućena da bi znali tačan datum kad je prosljeđena prema kantonalnom ministarstvu za boračka pitanja. Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-18/22-AP-398 od 23.06.2022. godine): Služba za upravu društvenih djelatnosti, pitanja boraca i opću upravu je uputila inicijativu Ministarstvu za boračka pitanja Zeničko-dobojskog kantona dopisom broj: 04-45-18/22-AP-383 od 16.06.2022. godine. U prilogu dostavljamo navedeni dopis.

#### 6. VIJEĆNIČKA PITANJA VIJEĆNIKA SAMIRA SKEJIĆ

1. Vijećnik Samir Skejić: 1. Pitanje za Gradsku izbornu komisiju

Molio bih za odgovor nadležnu instancu O/GIK-a a izravno se tiče neprimjerene kampanje oglašavanja političkih kandidata u toku prijeizborne kampanje.

Naime, u vrijeme prijeizborne kampanje nedolično je da imena i zvanja budu izvješena na neprimjerenim mjestima.

Konkretno javnost zanima šta OIK može da uradi da prijeizborna kampanja bude u granicama fer, pristojnog i kulturnog oglašavanja.

S obzirom na prirodu i važnost pitanja molim da mi se odgovori dostave u pisanoj formi.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1752/22-AP-3 od 14.06.2022. godine): U prilogu akta dostavljamo odgovor Gradske izborne komisije Zavidovići, broj: 01-05-000473-028/22 od 17.06.2021. godine.

2. Vijećnik Samir Skejić: 2. Pitanje za nadležnu gradsku službu.

Obzirom da su dijelovi grada koji imaju memorijalni značaj izloženi neposrednom utjecaju atmosferskih pojava zanima me šta nadležna insanca može da uradi na planu redovnog održavanja čistoće memorijalnih površina. Primjerice, gradski spomenik posvećen Oslobođilačkom ratu duže vrijeme nije očišćen.

S obzirom na prirodu i važnost pitanja molim da mi se odgovori dostave u pisanoj formi.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-23/22-AP-113 od 20.06.2022. godine): Članom 3. stav (2) tačka 1) i članom 4. stav (21) Zakona o komunalnim djelatnostima ZDK („Službene novine ZDK“, broj: 17/08) propisano je održavanje pasivnih mezarluka, gdje spadaju i spomenici i spomen kosturnice. Programom utroška sredstava iz Budžeta Grada Zavidovići za komunalnu higijenu broj: 02-11-165/22-AP-2 od 20.01.2022. godine predviđeno je i realizuje se sljedeće:

1. Spomenik šehidima, poginulim borcima i civilnim žrtvama rata 1992.-1995. godine
  - suho čišćenje se obavlja svaki radni dan tokom godine, a pranje 6 puta godišnje,
2. Spomenik žrtvama fašizma 1941.-1945. godine
  - suho čišćenje se obavlja tri puta sedmično svake sedmice u godini, a pranje 6 puta godišnje.

Na ovaj način izvršene su sve zakonske odredbe koje su u nadležnosti Grada i nadležne Službe za upravu poljoprivrede, vodoprivrede i komunalnih poslova.

Ukoliko smatrate da je potrebno izvršiti restauraciju spomenika, za to je potrebno planirati dodatna sredstva u Budžetu i planirati određenim programima ili uvesti poseban transfer.

3. Vijećnik Samir Skejić: Pitanje za nadležnu gradsku službu a vezano je za ustanovljenje Etičke komisije gradskog vijeća. Vjerovatno dobar dio vijećnika zanima u kojoj fazi je priprema ovog tijela pri vijeću.

S obzirom na prirodu i važnost pitanja molim da mi se odgovori dostave u pisanoj formi.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1752/22-AP-3 od 14.06.2022. godine): Na sastanku predstavnika političkih subjekata koji participiraju u radu Općinskog vijeća Zavidovići, održanog dana 12.10.2021. godine, predstavnici političkih subjekata usaglasili su da u skladu sa ostvarenim izbornim rezultatom, a u cilju okončanja postupka popunjavanja preostalih stalnih radnih tijela Općinskog vijeća Zavidovići, pozivaju A-SDA, NBL i SDA da se usaglase i koriguju sažive (Komisija za prostorno planiranje, uređenje i ekologiju, Komisija za društvene djelatnosti, ljudska prava, mlade i ravnopravnost spolova i Drugostepena Komisija za rješavanje po

žalbama izjavljenim protiv prvostepenih rješenja i drugih prvostepenih akata Općinskog načelnika) na način da se izvrši zamjena mjesta sa SDP tako da u ovim komisijama SDP dobije po jedno mjesto, a u Komisiju za prigovore, prestavke i prijedloge i Etičku komisiju SDP predloži po dva kandidata.

Na Kolegiju Općinskog vijeća donesen je Zaključak da se razgovara sa određenim političkim subjektima A-SDA, NBL i SDA da oni koriguju određene članove Komisija pa da se ustupi određena mjesta SDP-u, a da SDP drugim Komisijama prepusti ta mjesta ovim prethodnim političkim organizacijama.

Na poziv Kolegija Općinskog vijeća da se politički subjekti A-SDA, NBL i SDA izjasne po istom, odgovor je dostavlja SDA, dopis broj: 36/21 od 29.11.2021. godine, u kojem je navedeno da su spremni izvršiti zamjenu njihova dva člana koji su prethodno imenovani u Komisije, pod uslovom i na način da i preostala dva politička subjekta (NBL i A-SDA) dostave pismeno izjašnjenje o prihvatanju dogovorenog prijedloga. NBL i A-SDA do danas nisu dostavili traženo izjašnjenje.

Na 15. sjednici Općinskog vijeća Zavidovići održanoj 31.03.2022. godine, Općinsko vijeće Zavidovići razmatralo je Izvještaj o radu Komisija Općinskog vijeća Zavidovići za period 01.01. – 31. 12.2021. godine, te donijelo Zaključak broj: 01-04-621/22-AP-5, kojim je zadužilo Predsjedavajuću Općinskog vijeća Zavidovići sa Stručnom službom Općinskog vijeća da nastavi započete aktivnosti na formiranju preostalih radnih tijela Općinskog vijeća Zavidovići.

U toku 2. sjednice Gradskog vijeća Zavidovići održane dana 31.05.2022. godine, održan je Kolegij Grdaskog vijeća, na kojem je prisustvovao i Gradonačelnik, a na kojem je konstatovano da se u što kraćem roku okonča formiranje Etičke komisije.

Nakon 2. sjednice Gradskog vijeće, Predsjedavajuća je pozvala predsjednika Kluba vijećnika NBL da dostave izjašnjenje vezano za predloženi način formiranja preostalih radnih tijela.

Do danas Stručna služba Gradskog vijeća nije zaprimila izjašnjenje Kluba vijećnika NBL i Kluba vijećnika A-SDA o predloženom načinu formiranja preostalih radnih tijela.

PRIOLOG: Zaključak Općinskog vijeća Zavidovići, broj: 01-04-621/22-AP-5.

4. Vijećnik Samir Skejić: 4. Pitanje za kabinet Načelnika:

Molio bih za izravnije tumačenje namjere saopštene u dokumentu, broj: 02-04-1545/22-AP-3 koji datira od 17.05.2022. godine a tiče se procedure za donošenje vijećničkih inicijativa i njihovog uvrštavanja u dnevni red Gradskog vijeća.

Odgovor prihvatom i u usmenoj formi ukoliko je neko od pomoćnika Načelnika u prilici da nam da adekvatan odgovor.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1752/22-AP-3 od 14.06.2022. godine): Dana 30.05.2022. godine, Gradonačelnik je dostavio dopis Kolegiju Gradskog vijeća, broj: 02-04-1545/22-AP-4 od 27.05.2022. godine, kojim se ukazuje da ovo pitanje Kolegij Gradskog vijeća treba dodatno razmotriti.

PRIOLOG: - Dopis Gradonačelnika broj: 02-04-1545/22-AP-2 od 12.05.2022. godine,

- Dopis Gradonačelnika broj: 02-04-1755/22-AP-2 od 10.06.2022. godine,
- Dopis Stručne službe Gradskog vijeća, broj: 01-04-1538/22-AP-2 od 23.05.2022. godine.
- Dopis Gradonačelnika, broj: 02-04-1545/22-AP-4 od 27.05.2022. godine.

5. Vijećnik Samir Skejić: U skladu sa odredbama poslovnika o radu općinskog vijeća Zavidovići; Predsjedavajućoj gradskog vijeća Zavidovići, Stručnoj službi gradskog vijeća Zavidovići i Kolegiju gradskog vijeća Zavidovići na 2. sjednici gradskog vijeća podnosim:

## VIJEĆNIČKO PITANJE

Upućujem gore navedenim Predsjedavajućoj, Stručnoj Službi i Kolegiju gradskog vijeća

Vijećničko pitanje glasi:

Koliko su i koja boračka udruženja u periodu od održavanja tematske sjednice općinskog vijeća Zavidovići održane 28.03.2018. godine. Podnijeli Inicijativa i prijedloga za rješavanje socijalno statusnih i pravnih pitanja boraca i boračkih udruženja iz svih oblasti socijalne zdravstvene i pravne zaštite branilačke populacije i stanovništva općine grada Zavidovići i za provođenje i poštovanje ustava, zakona, statuta i drugi propisa te donošenje propisa iz nadležnosti općinskog odnosno gradskog vijeća Zavidovići.

Molim da mi date odgovor koja udruženja su podnosila, koje (kakve) i kad inicijative i prijedlozi koje su podnesene na pisarnicu i zaprimljene u službu gradskog vijeća Zavidovići. Molim da mi u prilogu odgovora dostavite kopije podnesenih i zaprimljenih iste su mi potrebne radi spoznaje koja to udruženja zastupaju branioce borce a koja samo naplaćuju iz budžeta novac i koriste benefite na osnovu branilaca.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1752/22-AP-3 od 14.06.2022. godine): Na osnovu službene evidencije Stručna služba Gradskog vijeća, utvrdila je sljedeće:

- 19. (tematska ) sjednica Općinskog vijeća Zavidovići održana dana 28.03.2018. godine, na temu Stanje u boračko-invalidskoj zaštiti i socijalnoj ugroženosti boračke populacije na području općine Zavidovići, a na istoj su doneseni Zaključci Općinskog vijeća Zavidovići, broj: 01-05-750/18-AP-4 („Službeni glasnik Općine Zavidovići“, broj: 3/2018).

- Na 37. sjednici Općinskog vijeća Zavidovići, održane dana 31.07. i 01.08.2019. godine, razmatrana je Informacija o realizaciji Zaključaka broj: 01-05-750/18-AP-4 od 28.03.2018. godine sa 19. (tematske) sjednice Općinskog vijeća Zavidovići, a na istoj su doneseni Zaključci Općinskog vijeća Zavidovići, broj: 01-05-1833/19-AP-5 od 01.08.2019. godine. („Službeni glasnik Općine Zavidovići“, broj: 3/2019).

U navedenom periodu prema službenoj evidenciji Stručna služba Gradskog vijeća nije evidentirala Inicijativu udruženja navedenih u Zaključku Općinskog vijeća Zavidovići broj: 01-05-750/18-AP-4 („Službeni glasnik Općine Zavidovići“, broj: 3/2018).

Uvidom u službene evidencije Inicijative Općinskom vijeću Zavidovići, podnosilo je UG „Jedinstveno udruženje demobilisanih boraca '92.-'95. Zavidovići“, upisano u registar Udruženja u Federalnom ministarstvu pravde BiH Sarajevo, po Rješenju broj: 03-05-2-242/19 od 12.03.2019. godine, kako slijedi:

- **Inicijative koje je Općinsko / Gradsko vijeće razmatralo:**

1. Inicijativa UG „Jedinstveno udruženje demobilisanih boraca '92.-'95. Zavidovići“ za donošenje rješenja o dodjeli kancelarije u novoj zgradi boračkih udruženja, zaprimljena na protokol Općine Zavidovići, dana 06.01.2020. godine, broj protokola, 01-19-85/20.

- Zaključak Općinskog vijeća Zavidovići o prihvatanju Inicijative UG „Jedinstveno

udruženje demobilisanih boraca '92.-'95. Zavidovići“ za donošenje rješenja o dodjeli kancelarije u novoj zgradi boračkih udruženja, broj: 01-19-85/20-AP-9 od 17.06.2020. godine („Službeni glasnik Općine Zavidovići“, 4/2020).

- Zaključak Općinskog vijeća Zavidovići o odbijanju Prijedloga Odluke o davanju na korištenje poslovnih prostorija u vlasništvu Općine Zavidovići Udruženju građana „Jedinstveno udruženje demobilisanih boraca '92.-'95. Zavidovići“ Zavidovići, broj: 01-19-3410/20-AP-4 od 25.01.2021. godine („Službeni glasnik Općine Zavidovići“, 1/2021).

2. Inicijativu Jedinstvenog udruženja demobilisanih boraca '92.-'95. Zavidovići za donošenje Odluke o davanju na korištenje poslovne prostorije u vlasništvu Općine Zavidovići, na period od četiri (4) godine, Jedinstvenom udruženju demobilisanih boraca '92.-'95. Zavidovići, poslovna prostorija – sala broj šest (6), površine 15,36 m<sup>2</sup>, koja se nalazi u Zavidovićima u ulici „Mehmed-paše Sokolovića“ broj 10, u prizemlju zgrade zv. „Spomen kuća“. Zaprimljena na protokol 14.06.2021. godine, broj: 01-04-1526/21.

- Zaključak Općinsko vijeće Zavidovići o odbijanju Inicijative Jedinstvenog udruženja demobilisanih boraca '92.-'95. Zavidovići za donošenje Odluke o davanju na korištenje poslovne prostorije u vlasništvu Općine Zavidovići, na period od četiri (4) godine, Jedinstvenom udruženju demobilisanih boraca '92.-'95. Zavidovići, poslovna prostorija – sala broj šest (6), površine 15,36 m<sup>2</sup>, koja se nalazi u Zavidovićima u ulici „Mehmed-paše Sokolovića“ broj 10, u prizemlju zgrade zv. „Spomen kuća“. Broj: 01-04-1526/21-AP-16 od 31.01.2022. godine („Službeni glasnik Općine Zavidovići“, 2/2022).

3. Inicijativu UG „Jedinstveno udruženje demobilisanih boraca '92.-'95. Zavidovići za donošenje odluke o načinu, uvjetima i postupku ostvarivanja prava iz člana 10., 12., 35., 36., 37. i 38. Zakona o pravima demobilisanih branilaca i članova njihovih porodica Federacije Bosne i Hercegovine („Službene novine FBiH“, broj: 54/19), zaprimljena na protokol Općine Zavidovići, dana 06.07.2021. godine, broj protokola, 01-04-2198/21.

- Zaključak Općinskog vijeća Zavidovići o prihvatanju Inicijative UG „Jedinstveno udruženje demobilisanih boraca '92.-'95. Zavidovići za donošenje odluke o načinu, uvjetima i postupku ostvarivanja prava iz člana 10., 12., 35., 36., 37. i 38. Zakona o pravima demobilisanih branilaca i članova njihovih porodica Federacije Bosne i Hercegovine („Službene novine FBiH“, broj: 54/19), broj: 01-04-2198/21-AP-8 od 21.09.2021. godine. („Službeni glasnik Općine Zavidovići“, 1/2021).

4. Inicijativu UG „Jedinstveno udruženje demobilisanih boraca '92.-'95. Zavidovići“ za donošenje Odluke o dopuni Odluke o određivanju značajnih datuma i događaja iz Odbrambeno-oslobodilačkog rata u općini Zavidovići („Službeni glasnik Općine Zavidovići“, broj: 2/2003 i 9/2018), (dopunom člana 2. i člana 3. Odluke, datumom obilježavanja formiranja Armije Republike Bosne i Hercegovine 15.04.1992. godine), zaprimljena na protokol Općine Zavidovići dana 09.08.2021, broj: 01-04-2024/21.

- Zajključak Općinsko vijeće Zavidovići o prihvatanju Inicijative UG „Jedinstveno udruženje demobilisanih boraca '92.-'95. Zavidovići“ za donošenje Odluke o dopuni Odluke o određivanju značajnih datuma i događaja iz Odbrambeno-oslobodilačkog rata u općini Zavidovići („Službeni glasnik Općine Zavidovići“, broj: 2/2003 i 9/2018), (dopunom člana 2. i člana 3. Odluke, datumom obilježavanja formiranja Armije Republike Bosne i Hercegovine 15.04.1992. godine), broj: 01-04-2024/21-AP-7 od 29.10.2021. godine, („Službeni glasnik Općine Zavidovići“, 1/2021).

5. Inicijativu Jedinstvenog udruženja demobilisanih boraca '92.-'95. Zavidovići za donošenje Odluke o načinu, uslovima i postupku finansiranja Udruženja građana iz Budžeta općine Zavidovići. Broj protokola 01-04-875/22 od 04.01.2022. godine.

- Zaključak Gradskog vijeća Zavidovići o odbijanju Inicijative Jedinstvenog udruženja demobilisanih boraca '92.-'95. Zavidovići za donošenje Odluke o načinu, uslovima i postupku



finansiranja Udruženja građana iz Budžeta općine Zavidovići, broj: 01-04-875/22-AP-8 od 29.04.2022. godine („Službeni glasnik Grada Zavidovići“, 1/2021).

**- Inicijative koje Općinsko / Gradsko vijeće nije razmatralo**

**INICIJATIVE SKINUTE SA DNEVNOG REDA** na 4. sjednici Kolegija Vijeća održana 04.05.2021. godine (predložene za 3. sjednicu Općinskog vijeća održane dana 11.05.2021. godine) – **provedene procedure**

1. Inicijativa Jedinственог udruženja demobilisanih boraca '92.-'95. Zavidovići za donošenje Zaključka o ukidanju Zaključka Općinskog vijeća, broj protokola: 01-14-270/20 od 02.02.2021. godine.

**INICIJATIVE SKINUTE SA DNEVNOG REDA** na 6. sjednici Kolegija Vijeća održana 22.06.2021. godine (predložene za 6. sjednicu Općinskog vijeća održane dana 30.07.2021. godine) – **provedene procedure**

1. Inicijativa Jedinствено udruženje demobilisanih boraca '92.-'95. Zavidoviću, za donošenje Naredbe Općinskom načelniku i nadležnoj Službi za provođenje i realizaciju Zaključka Općinskog vijeća Zavidovići broj: 01-19-85/20-AP-9 od 17.06.2020. godine, u roku od 7 dana od dana donošenja Naredbe Općinskog vijeća Zavidovići, broj protokola 01-04-1435/21 od 12.05.2021. godine.

2. Inicijativa Jedinствено udruženje demobilisanih boraca '92.-'95. Zavidoviću, za donošenje Odluke o ukidanju i prestanku važenja Budžeta općine Zavidovići za 2021. godinu, broj protokola 01-04-1525/21 od 21.05.2021. godine.

**INICIJATIVE SKINUTE SA DNEVNOG REDA** na 11. sjednici Kolegija Vijeća (predložene za dnevni red 9. sjednice Općinskog vijeća održane dana 21.09.2021. godine) – **provedene procedure**

- Inicijativa UG „Jedinствено udruženje demobilisanih boraca '92.-'95. Zavidovići za donošenje Budžeta općine Zavidovići za 2021. godinu i Odluke o izvršenju Budžeta općine Zavidovići za 2021. godine, broj protokola 01-04-2199, od 01.07.2021. godine.

**- Inicijative i zahtjevi koje su dostavljene u proceduru – 2022. godine:**

1. Inicijativa UG „Jedinствено udruženje demobilisanih boraca '92.-'95. Zavidovići, za donošenje Odluke o kriterijima, uslovima, načinu i postupku utvrđivanja boračkih udruženja sa statusom od posebnog interesa i drugog značaja za općinu. Zaprimljena 04.04.2022. godine, broj: 01-04-6/22-AP-39.

2. Zahtjev UG „Jedinствено udruženje demobilisanih boraca '92.-'95. Zavidovići, za hitno sazivanje, zakazivanje i održavanje tematske sjednice Općinskog vijeća Zavidovići radi: analiziranja stanja socijalnog i pravnog statusa boračke populacije članova njihovih porodica iz oblasti boračko-invalidske zaštite na području općine Zavidovići, u cilju i zbog iznalaženja rješenja na poboljšanju narušenih međuljudskih odnosa između Općinskog načelnika, predstavnika boračkih udruženja i službenika za upravu društvenih djelatnosti, pitanja boraca i opću upravu zbog neizvršavanja zakona nedonošenja odluka i drugih akata te nerealizacije i neprovođenja donesenih akata Općinskog vijeća Zavidovići. Zaprimljeno 18.04.2022. godine, broj: 01-04-6/22-AP-46.

3. Inicijativa UG „Jedinствено udruženje demobilisanih boraca '92.-'95. Zavidovići, za donošenje Zaključka Općinskog / Gradskog vijeća Zavidovići za pokretanje Inicijative pred Skupštinom ZDK za izmjene i dopune Zakona o dopunskim pravima branilaca i članova njihovih porodica ZDK („Službene novine ZDK“, broj: 1/14) za realizaciju i provedbu odredaba člana 20 i 42 Zakona o pravima demobiliziranih branilaca i članova njihovih

porodica („Službene novine FBiH“, broj: 54/19). Zaprimljeno 16.05.2022. godine, broj: 01-04-6/22- AP-49.

4. Inicijativa UG „Jedinstveno udruženje demobilisanih boraca '92.-'95. Zavidovići, za donošenje odluke o utvrđivanju uvjeta, načina, kriterija i postupaka finansiranja rada boračkih udruženja iz budžeta Općine / Grada Zavidovići. Zaprimljeno 13.05.2022. godine, broj: 01-04-6/22- AP-54.

U prilogu dostavljamo navedenu dokumentaciju.

## 7. VIJEĆNIČKA PITANJA VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju kada građani naseljenog mjesta Brezik mogu očekivati sanaciju klizišta na putu prema naseljenim mjestima Brezik, Lug i Memići neposredno iza lokalnog mosta na rijeci Krivaje?

Obrazloženje:

Mještani mjesne zajednice Brezik pokrenuli su akciju prikupljanja novčanih sredstava za asfaltiranje puta prema naseljenim mjestima Lug, Memići i Brezik. Prema informacijama sa terena, općina Zavidovići je obećala pomoći navedenu akciju sa obezbjeđenjem interventnih sredstava prvenstveno za sanaciju klizišta iza lokalnog mosta na rijeci Krivaje kao i za asfaltiranje ove dionice puta.

Direktno pitanje:

Tražim od nadležne gradske službe da nam dostavi tačnu informaciju u kojem iznosu će Grad Zavidovići pomoći ovu akciju mještana naseljenog mjesta Brezik, kada je planirana sanacija klizišta i kada građani mjesne zajednice Brezik mogu očekivati asfaltiranje ovog puta?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-22-169/22 od 27.06.2022. godine): Pokrenut je postupak javne nabavke za sanaciju klizišta i šteta nastalih djelovanjem prirodnih i drugih nesreća i preventivno djelovanje na sprečavanju šteta od prirodnih i drugih nesreća na području Grada Zavidovići u 2022. godini. Nakon okončanja postupka javne nabavke, odnosno nakon izbora izvođača radova pristupit će se i samoj sanaciji klizišta na području Grada Zavidovići, te preventivnim radovima na spečavanju nastanka velikih šteta usljed djelovanja prirodnih i drugih nesreća. Uzimajući u obzir zakonske propise vezane za provođenje javnih nabavki, teško je i okvino odrediti kada se može očekivati sanacija klizišta na putu za naseljena mjesta Brezik, Lug i Memiće.

Također, iznos novčanih sredstava kojim će Grad Zavidovići pomoći akciju mještana naseljeno mjesta Brezik zavisit će od raspoloživih sredstava u Budžetu Grada Zavidovići, odnosno od sredstava po rebalansu Budžeta Grada Zavidovići.

2. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Kada će se poduzeti radnje, aktivnosti i mjere na zaštiti građana Majdana i Čumurane od pasa lotalica?

Obrazloženje:

Mještani naseljenog mjesta Majdan i Čumurana imaju ozbiljne probleme sa agresivnosti pasa lotalica. Najveći problem predstavlja odlazak djece u školu i šetnja u noćnim satima. Iako Grad Zavidovići ima ugovorenu uslugu odvoza pasa lotalica, isti su već duži period prisutni u ovim naseljima i prijete sigurnosti mještana.

Direktno pitanje:

Tražim od nadležne nadležne službe i Udruženja „Životinjskog carstva Arma“ da nam dostave informaciju kada će se konačno poduzeti radnje na odvozu pasa lotalica sa gore navedenih lokacija te koje su posljedice nepoštivanje ugovora i neblagovremenih akcija na uklanjanju pasa lotalica sa područja grada Zavidovići?

Također tražim i informaciju koji je organ ispred općine ovlašten za nadzor, kontrolu i praćenje izvršenja obaveza preuzetim ugovorom između Grada Zavidovići i Udruženja „Životinjskog carstva Arma“?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj općinskoj službi i Udruženju „Životinjskog carstva Arma“.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-23/22-AP-113 od 20.06.2022. godine): Ugovor o podršci projekta zbrinjavanja pasa lotalica sa području Grada Zavidovići zaključen je između Gradonačelnika i UG „ŽIVOTINJSKO CARSTVO ARMA“ u mjesecu martu 2022. godine.

Predmetnim Ugovorom UG „ŽIVOTINJSKO CARSTVO ARMA“ preuzelo je obavezu uklanjanja i zbrinjavanja napuštenih i izgubljenih pasa i pasa lotalica sa urbanog područja Grada Zavidovići.

UG „ŽIVITINJSKO CARSTVO ARMA“ u saradnji sa lokalnim stanovništvom kontinuirano radi na uklanjanju i zbrinjavanju pasa u azil.

Broj pasa koji treba biti uklonjen tokom mjeseca nije predviđen Ugovorom jer se psi lotalice i izgubljeni psi neprestano pojavljuju na ulici, obaveza je lokalnog stanovništva da u roku od tri dana od pronalaska napuštene i izgubljene životinje obavijesti sklonište za životinje.

Što se tiče nadzora nad provođenjem Ugovora imenovana je Komisiju koja će vršiti nadzor nad provođenjem Projekta zbrinjavanja napuštenih pasa i pasa lotalica u urbanim sredinama Općine Zavidovići.

Zadatak komisije je da svakog mjeseca sačini izvještaj o broju uhvaćenih pasa, transportovanih pasa do azila, broju mikročipovanih pasa, broju sterilizovanih pasa, broju kastriranih pasa, broju vakcinisanih pasa, broju pasa koji su liječeni, broju pasa nad kojima je izvršen redovni pregled, broju pasa nad kojim je izvršena zaštita od parazita, broju

eutaniziranih pasa, broju pasa koji su smješteni u azilu i kojima je omogućena adekvatna ishrana tokom jednog mjeseca.

Što se tiče nadzora na općinskom nivou ne postoji veterinarska inspekcija.

Veterinarska inspekcija Zeničko-dobojskog kantona vrši nadzor nad provođenjem Odluke o uslovima i načinu držanja kućnih ljubimaca, načinu postupanja sa napuštenim i izgubljenim životinjama na području općine Zavidovići („Službeni glasnik Općine Zavidovići“, broj: 10/2021).

## 8. VIJEĆNIČKO PITANJE VIJEĆNIKA IGORA ŠIMŠIĆ

Vijećnik Igor Šimšić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče realizacije Inicijative Kluba vijećnika SDP BiH u OV Zavidovići za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru općine?

Obrazloženje vijećničkog pitanja:

U januaru 2018. godine na redovnoj sjednici OV Zavidovići, Klub vijećnika SDP BiH je uputio navedenu Inicijativu, koja je nakon toga, na narednoj februarskoj sjednici usvojena od strane općinskih vijećnika, koji su Zaključkom obavezali nadležne za realizaciju. Realizaciju, do koje nije došlo evo već pune 4. godine. Minimalno jednom godišnje postavljamo pitanje o stanju ove inicijative, te dobijamo odgovore biće planirano, u toku je realizacija, predviđena su sredstva, objavljen javni poziv,... Iz godine u godinu isto. Inicijativa nije iziskivala velika materijalna ulaganja i troškove, niti je imala kompleksne formalno-pravne procedure. A potreba za ovim informativnim prostorima je bila itekako opravdana od strane građana.

Od strane građana iskazana je potreba za identifikacijom, lociranjem i izradom oglasnih i informativnih mjesta na području grada i cijelom prostoru općine. Bilo da se radi o panoima, betonskim oglasnim prostorima, elektronskim panoima i sl. Naime svjedoci smo da se obavještenja, informativni materijalai, plakati, oglasi, posmrtnice... u nedostatku adekvatnih mjesta i sredstava na području naše općine postavljaju na mjestima i objektima koja nisu predviđena za tu namjenu, često su neprikladna pa i uvređujuća (primjer, obavještenja ili posmrtnice u nedostatku adekvatnih mjesta i sredstava na području naše općine postavljaju na mjestima i objektima koja nisu predviđena za tu namjenu, često su neprikladna pa i uvređujuća (primjer, obavještenja ili posmrtnice na stablima, korpama za otpatke, trafikama, privremenim objektima, ...) i veoma često narušavaju izgled i čistoću cjelokupne infrastrukture.

Pitanje koje se upućuje glasi: Zašto da sada nije realizovana Inicijativa, kada će biti realizovan Zaključak po Inicijativi. Tražimo odgovore sa jasno preciziranim datumima realizacije ili napišite i odgovorite, neće se nikada realizovati!

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-20/22-AP-223 od 17.06.2022. godine): Zaključkom Općinskog vijeća broj: 01-05-665/18-AP-6 od 05.04.2018. godine prihvaćena je inicijativa Kluba vijećnika SDP-a za izradu Plana i utvrđivanja javnog interesa indentifikacije, lociranja i izgradnje oglasnih i informativnih mjesta na području grada i cijelom prostoru općine. Za realizaciju istog Zaključka zadužena je Služba za upravu

poljoprivrede, vodoprivrede i komunalnih poslova, Služba za upravu društvenih djelatnosti i opću upravu i Služba za upravu geodetskih, imovinskopravnih poslova i urbanizma.

Po navedenom Zaključku nadležna Služba za upravu poljoprivrede, vodoprivrede i komunalnih poslova od ove službe nije tražila provođenje aktivnosti na identifikaciji i određivanju lokacija za izgradnju oglasnih mjesta i informativnih mjesta, te iz navedenog razloga smatramo da odgovor na postavljeno pitanje može kvalitetnije pripremiti pomenuta služba.

Prednje i iz razloga što iz postavljenog pitanja proizilazi da je za realizaciju predmetnog Zaključka više puta odgovarano da je u toku postupak realizacije ali ne od strane ove službe.

## 9. DOPUNSKO VIJEĆNIČKO PITANJE VIJEĆNIKA ŠEMSE FEHRIĆ

Vijećnik Šemso Fehrić: Ima dopunsko pitanje: uvaženi načelnice, gospodo prisutni, mediji, pozdravljam. Moje pitanje je bilo odnosilo se i na kapitalne investicije, znači ove redovna investiranja, odnosno sredstva prema mjesnim zajednicama su uvažena i navedena u tabeli, međutim onaj dio koji se odnosi na kapitalne investicije mislim da treba dopunit, a forma ovog odgovora je dobra. Hvala.

Odgovor na dopunsko vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-136/22 od 17.06.2022. godine): Služba za upravu privrede, lokalni razvoj, infrastrukturu i međunarodnu saradnju vrši pripremu, praćenje i realizaciju kapitalnih projekata, dok Služba za upravu finansija, budžet i trezor vrši njihovu računovodstvenu i finansijsku evidenciju. Obzirom da se radi o stotinjak manjih i većih projekata na godišnjem nivou, a Služba za upravu finansija, budžet i trezor ne raspolaže softverskim rješenjem putem kojeg bi se pratila analitička evidencija po mjesnim zajednicama, dostava ovog podatka bi iziskivala neracionalan angažman državnih službenika na mehaničkoj obradi podataka.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: \_\_\_\_\_  
(Nermin Čahtarević)